

金壇王宇泰先生原本

傷寒證治
準繩

九思堂藏板

傷寒證治準繩自序

夫有生必有死萬物之常也然死不死于
老而死于病者萬物皆然而人為甚故聖
人憫之立醫藥興醫藥興而天下之人不
死於病而死于醫藥矣知者憤其然因
曰病而不藥得中醫豈不后哉或曰此

但為傷寒立之也雖然微獨傷寒特傷
寒為甚爾蓋醫莫不宗本黃岐今其書
具在然有論而無方，法之脩自張仲
景也仲景雖托以傷寒著然二千年
以來其間以醫名世為後學所師承者
未有不從仲景之書悟入而能往窺

黃岐之壺奧者也故黃岐猶義文也仲
景其孔子字易水師弟則濂洛諸賢

金華明弟則閩閩諸大儒也擬人者

不倫於此矣王好古曰傷寒之法可以治

雜病雜病法不可以治傷寒豈誠然哉
傷寒法出於仲景故可以治雜病二為

難病法者多未嘗夢見仲景者也故不
可以治傷寒也然則傷寒論可弗讀
乎而世之醫有終身目不識此獨執陶
氏之書以為枕中鴻寶爾夷考陶氏
之書不過剽南陽唾餘尚未望允易水
門牆而輒詆傷寒論為此全書聲壅

來學蓋仲景之罪人也而世方宗之天
枉可勝道哉余少而讀仲景書今老

矣尚未窺其玄室平生手一編丹鉛

殆徧紙敗墨渝海虞嚴道澈見而愛

之欲壽諸梓而余不之許也新之蓋

慎之也丁酉戊戌間因嘉善高生請

召輯雜病準繩而不及傷寒非後之蓋
難之也今歲秋同年姜仲父知余訪
輯雜病計尚召傷寒婦嬰瘍科為準
繩者四遣使來就鈔而不知余奪于
幽憂冗病未屬草也因感之而先成
傷寒書八帙召于八月朔而告成於

重九或曰以數十萬言成于四句不太草
草乎曰余之醞釀于丹府而渙獵於
書林蓋卅餘年矣不可謂草也傷
寒一病耳而數十萬言不太繁乎
曰我猶病其略必何也是書之設為
因從檢書而求治法者設也故分證

而不詳則慮其誤也詳則多互見而
復出而又安得不繁後之注仲景書
續仲景法書或欠其大全或窺其一
斑皆可以為後學指南具擇而載之
而又安得不繁且夫人讀一書解一語
苟迷生理乃礙于胸中以問知者則惟

恐其不我告其告之不詳余固驚下然
學醫之資差不在人後以余所白首不
能究者與天下後世共究之將讀之
恐其易忘而顧患繁乎哉丹陽胡知
忍中秘心乎濟物而勇于為義顧為
余流通書未成已鳩工庀具矣余之端

成以此因叙于篇首時對歷卅二年歲
次甲辰重九日念西居士王寅字泰書

傷寒準繩凡例

一纂傷寒書者衆矣知尊仲景而遺後賢續法者好古之過也
類證諸書是也惟俗眼之便而雅俗雜陳淄澠莫辨使世不
知孰爲仲景者俗工之謬也瑣言蘊要諸書是也惟婁氏綱
目列六經正病于前而次合病併病汗吐下後諸壞病于後
又次之以四時感異氣而變者與婦嬰終焉而每條之中備
列仲景法然後以後賢續法附之旣該括百家又不相淆雜
義例之善無出其右此書篇目大抵因之

一王叔和編次張仲景傷寒論立三陽三陰篇其立三陽篇之
例凡仲景曰太陽病者入太陽篇曰陽明病者入陽明篇曰
少陽病者入少陽篇其立三陰篇亦依三陽之例各如太陰

少陰厥陰之名入其篇也其或仲景不稱三陽三陰之名但曰傷寒某病用某方主之而難分其篇者則病屬陽證發熱結胸痞氣畜血衄血之類皆混入太陽篇病屬陰證厥逆下利嘔吐之類皆混入厥陰篇也惟燥屎及尿鞭不大便大便難等證雖不稱名獨入陽明篇者由此證類屬陽明胃實非太陽厥陰可入故獨入陽明也所以然者由太陽爲三陽之首凡陽明少陽之病皆自太陽傳來故諸陽證不稱名者皆入其篇厥陰爲三陰之尾凡太陰少陰之病皆至厥陰傳極故諸陰證不稱名者皆入其篇後人不悟是理遂皆謂太陽篇諸證不稱名者亦屬太陽而亂太陽病之真厥陰篇諸證不稱名者亦屬厥陰而亂厥陰病之真爲大失仲景之法也

今於各證分經處尚多仍叔和之舊學者當以意神而明之
一仲景立法凡曰太陽病者皆謂脉浮頭項強痛惡寒也凡曰
陽明病者皆謂胃家實也凡曰少陽病者皆謂口苦咽乾目
眩也凡曰太陰病者皆謂腹滿時痛吐利也凡曰少陰病者
皆謂脉細微但欲寐也凡曰厥陰病者皆謂氣上冲心痛吐
衄也候如少陰病不一也逐條曰脉微細但欲寐而總用少
陰病三字括之者省文也故各條或曰少陰病反發熱脉沉
用麻黃附子細辛湯者謂脉沉細但欲寐而又反發熱者用
其方也或曰少陰病得之二三日以上心煩不臥用黃連阿
膠湯者謂得脉細微但欲寐二三日後變心煩不臥者用其
方也後人不悟是理遂皆不察少陰病三字所括脉細微但

欲寐之證但見發熱脉沉便用麻黃附子細辛湯見心煩不
臥便用黃連阿膠湯尤爲大失仲景之法也

一解釋仲景書者惟成無已最爲詳明雖隨文順釋自相矛盾
者時或有之亦白璧微瑕固無損于連城也後此趙嗣真張
兼善之流皆有發明並可爲成氏忠臣張公耳孫故多採掇
使學者一覽洞然而一得之愚亦時附焉其文義淺近不必
訓釋者則一切省之內一字趙者嗣真也張者兼善也黃者
仲望也活者朱肱活人書也龐者安時也許者叔微學士也
本者許之本事方也韓者祇和也孫者兆也潔者潔古張元
素也雲者潔古之子雲岐子也垣者李東垣而丹者朱丹溪
也海者王海藏也王者履也羅者天益也戴者元禮也婁者

全善也吳者綬也陶者華也其不系姓字者自篇首辨證數語之外皆仲景論文也

一仲景諸方動以勛計而又有稱升合枚者古今度量衡輕重長短不同難以遵用局方綱目又一切裁損每服五錢則失之太小陶氏吳氏書盡變古方以便時用則其失更遠矣今書方藥分兩一切仍仲景之舊增損出入又當視病情時令神而明之一切古方皆當如是施用不獨仲景書也知此則又何以輕變古法爲哉陳無擇以錢譜推測度量衡法頗協時宜今引其說于此用古方者宜詳攷焉 凡度者分寸尺丈引本以一黍之廣爲分十分爲寸十寸爲尺十尺爲丈十丈爲引觀今之尺數等不同如周尺長八寸京尺長一尺六